



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
8-100

Xuv Yim - Cov Tub Ntxhais Hluas – Cov Cai thiab Cov Txheej Txheem

Cov Txheej Txheem Kev Kav Tswj thiab Kev Tshawb Nrhiav thiab Kev Ywv Tub

8-106 Kev Tshawb Nrhiav thiab Kev Ntes Txhom Cov Hluas
(10/07/08) (07/01/11) (10/10/22) (xx/xx/23)

A. Kev Txheeb Sau DNA Los Ntawm Cov Tub Ntxhais Hluas

1. Daim ntawv tso cai tshawb nrhiav uas muaj kev ruaj ntseg
 - a. Cov ntawv tso cai tshawb nrhiav yuav tsum muaj kev ruaj ntseg rau kev txheeb sau DNA los ntawm tus neeg ntawm cov neeg uas xav tias muaj kev txhaum los sis cov neeg uas raug ntes uas yog tub ntxhais hluas, thaum twg los xij uas mus tau.
 - b. Tus tub ceev xwm uas ua raws li daim ntawv tso cai tshawb nrhiav rau kev txheeb sau DNA los ntawm tus neeg ntawm tus neeg uas xav tias muaj kev txhaum los sis tus neeg uas raug ntes uas yog tub ntxhais hluas yuav tau ua kom ntseeg siab tias tau rau siab raws li muaj zoo laj thawj los ceeb toom rau niam txiv los sis tus saib xyuas me nyuam uas raug raws cai tam sim ntawd tom qab ua raws li daim ntawv tso cai.
 - i. Tej zaum yuav tau ua qhov kev ceeb toom los ntawm xov tooj, tim ntsej tim muag, los sis los ntawm kev mus rau ntawm tus tub ntxhais hluas lub tsev.
 - c. Kev pom zoo rau kev txheeb sau DNA tsuas nrhiav tau thaum cov neeg uas xav tias muaj kev txhaum nyob rau hauv cov xwm txheej uas maj ceev xwb.

2. Kev pom zoo rau kev txheeb sau DNA

Kev pom zoo rau kev txheeb sau DNA los ntawm tus neeg ntawm tej tus neeg uas xav tias muaj kev txhaum los sis tus neeg raug ntes uas yog tub ntxhais hluas, uas yuav tau ua raws li cov cai teeb tseg txuas mus no.

- a. Yuav tsum tau muaj kev pom zoo ntawm tus neeg laus
 - i. Tus neeg uas xav tias muaj kev txhaum los sis tus neeg uas raug ntes uas yog tub ntxhais hluas tsis tuaj yeem zam tau lawv cov kev muaj cai thiab kev pom zoo rau kev txheeb sau DNA los ntawm lawv tus neeg yam uas tsis muaj kev tso cai sab laj nrog rau tus kws lij choj los sis tus niam txiv los sis tus saib xyuas me nyuam uas tau txais kev ceeb toom qhia paub ua ntej.
 - ii. Tej qhov kev txheeb sau DNA los ntawm tus neeg ntawm tus neeg uas xav tias muaj kev txhaum los sis tus neeg uas raug ntes uas yog tub ntxhais hluas los

ntawm kev pom zoo yuav tsum muaj kev pom zoo los ntawm tus tub ntxhais hluas thiab tus neeg laus tib si.

b. Tsis pub muaj kev dag ntxias

Txwv tsis pub muaj kev txheeb sau los sis txib kom txheeb sau DNA los ntawm cov tub ntxhais hluas los ntawm kev dag ntxias. Qhov no suav nrog kev muab khoom haus rau tus tub ntxhais hluas haus txhawm rau txheeb sau tus tub ntxhais hluas li DNA los ntawm lub taub ntim khoom haus, txawm tias tsuas yog ib feem xwb los xij.

c. Kev sau tseg kev pom zoo

- i. Kev pom zoo los ntawm ob tog neeg tib si yuav raug kaw tseg nyob rau hauv lub koob thajj uas nruab rau ntawm lub cev, thaum ua tau (saib raws li P&P 4-223). Yog tias kev kaw tseg ntawm lub koob thajj uas nruab rau ntawm lub cev siv tsis tau, ces qhov kev pom zoo yuav raug muab kaw tseg ua suab.
- ii. Qhov kev pom zoo los ntawm ob tog neeg tib si yuav raug sau tseg nyob rau hauv Daim Ntawv Tshaj Tawm Ntawm Tub Ceev Xwm.

B. Kev Tshawb Nrhiav Qhov Chaw Uas Muaj Kev Tso Cai Los Ntawm Niam Txiv

1. Tej zaum tus niam txiv/tus saib xyuas me nyuam yuav muab kev pom zoo rau kev tshawb nrhiav lub chaw thiab cov khoom ntiag tug ntawm tu me nyuam me uas nyob rau hauv lub tsev.
2. Yog tias tus me nyuam muaj kev vam khom txog kev ntiag tug (vim tus me nyuam yog neeg loj lawm, tab tom them nqi xauj, los sis rau lwm lub laj thawj), ces tej zaum tus ua niam ua txiv yuav muab tsis tau kev pom zoo rau kev tshawb nrhiav tus me nyuam chaw.

C. Cov Hluas Uas Nyob Probation Uas Muaj Tus Thawj Saib Ntsoov Ntsuam

1. Cov tub ntxhais hluas uas nyob rau hauv kev soj saib cwj pwm uas muaj kev saib xyuas ncaj nraim muaj daim ntawv cog lus uas tau kos npe raws li cov cai ntawm lawv qhov kev soj saib cwj pwm uas muab kev tso cai rau lawv tus(cov) tub ceev xwm soj saib cwj pwm los ua qhov kev tshawb nrhiav tus tub ntxhais hluas tus neeg thiab cheeb tsam yam uas tsis muaj ntawv tso cai raws li tus tub ntxhais hluas qhov kev tswj tam sim ntawd nyob rau thaum twg los tau.
2. Kev nyob ntawm nrog tus tub ceev xwm Probation ntawm tus Hluas tsis muab hwjchim sib luag rau tus tub ceevxwm MPD.
3. MPD cov tub ceev xwm yuav tsis siv cov tub ceev xwm soj saib cwj pwm ua lawv tus sawv cev los ua cov kev tshawb nrhiav yam uas tsis muaj ntawv tso cai.

D. Cov Kev Tshawb Nrhiav Cov Tub Xauv Ntawm Tsev Kawm Ntawv

1. Tej zaum cov tub xauv yuav raug tshawb xyuas los sis raug tshawb nrhiav los ntawm cov tub ceev xwm ntawm tsev kawm ntawv yam uas tsis muaj daim ntawv tso cai tshawb nrhiav. Tej zaum cov tub ceev xwm ntawm tsev kawm ntawv yuav thov kom tus tub ceev xwm yuam siv kev cai lij choj tuaj rau ntawd nyob rau ncuaj sij hawm qhov kev tshawb nrhiav.
2. Yog tias tus tub ceev xwm ntseeg tias nws muaj kev tsim nyog uas yuav tsum tau tshawb nrhiav lub tub xauv, ces yuav tsum tau txais daim ntawv tso cai los ntawm tus thawj coj tsev kawm ntawv los sis daim ntawv tso cai uas tus kws txiav txim plaub ntug tau kos npe.

E. Kev Tshawb Nrhiav Hle Khaub Ncaws Ntawm Cov Hluas

Qhov kev tshawb nrhiav sab hauv ntawm tej tus tub ntxhais hluas yog yuav tau ua uas saib raws li P&P 9-201 Kev Tshawb Nrhiav thiab Kev Ywv.

F. Kev Kaw Tus Hluas Uas Tsis Raug Ntes

1. Cov kev yuam cai kev nyob lig thiab kev tsis mus kawm ntawv yam uas tsis muaj laj thawj

Cov kev yuam cai kev nyob lig thiab kev tsis mus kawm ntawv yam uas tsis muaj laj thawj yuav raug saib xyuas raws li P&P 8-200

2. Cov ciam txwv raws cai lij choj rau kev ceev cia

Tsab Cai MN tshooj 260C.175 Subd. 1 hais tias: "Tej zaum yuav tsis muaj tus me nyuam twg yuav raug ceev cia tam sim ntawd tshwj tsis yog:

(1) muaj qhov lus txib uas tau tawm los ntawm lub tsev hais plaub saib raws li cov kev cai ntawm tshooj 260C.151, tshooj me 6, los sis Cov Kev Cai Lij Choj 1997, tshooj 239, nqe 10, kem 10, kab lus (a), nqe lus (3), los sis 12, kab lus (a), nqe lus (3), los sis daim ntawv tso cai uas tau tawm saib raws li cov kev cai ntawm tshooj 260C.154;

(2) los ntawm tus tub ceev xwm saib xyuas kev thaj yeeb:

(i) thaum tus me nyuam khiav mus deb ntawm niam thiab txiv, tus saib xyuas me nyuam, los sis tus saib xyuas, los sis thaum tus tub ceev xwm saib xyuas kev thaj yeeb ntseeg tau yam uas muaj zoo laj thawj tias tus me nyuam khiav mus deb ntawm niam thiab txiv, tus saib xyuas me nyuam, los sis tus saib xyuas lawm, tab sis tsuas yog lub hom phiav kev thauj tus me nyuam mus tsev, mus tau tus txheeb ze lub tsev, los sis lwm qhov chaw uas muaj kev nyab xeeb, uas tej zaum yuav suav nrog lub chaw saib xyuas me nyuam ib ncuaj sij hawm; los sis

(ii) thaum pom tus me nyuam nyob rau ib ncig los sis cov yam ntxwv uas muaj kev phom sij rau tus me nyuam li kev noj qab haus huv los sis kev noj qab nyob zoo los sis tus tub ceev xwm saib xyuas kev thaj yeeb uas hais los ntawd ntseeg tau yam uas muaj zoo laj thawj tias yuav muaj kev phom sij rau tus me nyuam li kev noj qab haus huv los sis kev noj qab nyob zoo. Yog tias tus me nyuam Is Dias nyob rau hauv cheeb tsam tshwj tseg los sis muaj vaj tsev nyob rau hauv cheeb tsam tshwj tseg tab sis tau tawm ntawm cheeb tsam tshwj tseg ib ncuaj sij hawm, ces qhov kev muab tus me nyuam ceev cia raws li nqe lus no yuav raug raws li Tsab Cai Hais Txog Kev Noj Qab Nyob Zoo Ntawm Me Nyuam Is Dias (Indian Child Welfare Act) xyoo 1978, Teb Chaws Mes Kas Tsab Cai, nqe 25, tshooj 1922;

(3) los ntawm tus tub ceev xwm saib xyuas kev thaj yeeb los sis tus tub ceev xwm soj saib cwj pwm los sis tso neeg txim thaum uas ntseeg tau yam uas muaj zoo laj thawj tias tus me nyuam tau yuam cov cai kev soj saib cwj pwm, kev tso tawm neeg txim, los sis lwm qhov kev saib xyuas tom tshav puam; los sis

(4) los ntawm tus tub ceev xwm saib xyuas kev thaj yeeb los sis tus tub ceev xwm soj saib cwj pwm raws li tshooj 260C.143, tshooj me 1 los sis 4."

Cim tseg: tsis muaj cov kev zam rau cov ciam txwv no.

3. Kev tshawb nrhiav riam phom ua kev pov thaiv

Thaum ceev cia tus tub ntxhais hluas (tus me nyuam) vim qhov kev yuam cai kev nyob lig los sis kev tsis mus kawm ntawv uas tsis muaj laj thawj los sis vim ib qho twg ntawm lwm cov laj thawj uas tau hais tseg rau hauv Tsab Cai MN tshooj 260C.175 Subd. 1, siv cov kev cai txuas mus no (Tsab Cai MN tshooj 260C.175 Subd. 3):

- a. "Tej zaum cov tub ceev xwm yuav ua kev tshawb nrhiav riam phom ua kev pov thaiv ntawm tus me nyuam txhawm rau pov thaiv tus tub ceev xwm li kev nyab xeeb.
- b. Dhau li no lawm tej zaum tus tub ceev xwm saib xyuas kev thaj yeeb los kuj yuav ua kev tshawb nrhiav riam phom ua kev pov thaiv ntawm tus me nyuam txhawm rau pov thaiv tus tub ceev xwm li kev nyab xeeb nyob rau cov xwm txheej uas tus tub ceev xwm tsis txhob txwm ceev cia tus me nyuam, yog tias tshooj no tso cai tus tub ceev xwm los ceev cia tus me nyuam.
- c. Qhov pov thawj uas tshawb pom nyob rau hauv ncuaj sij hawm kev tshawb nrhiav uas raug raws li kev cai lij choj raws li tshooj no yog qhov tuaj yeem lees txais tau."

G. Kev Xauv Tes, Kev Tshawb Nrhiav thiab Kev Thauj Mus Los Cov Tub Ntxhais Hluas Nyob Rau Lwm Cov Xwm Txheej

Nyob rau hauv cov xwm txheej uas tsis tau piav qhia nyob rau hauv txoj cai no, cov tub ntxhais hluas yuav raug xauv tes, raug tshawb nrhiav thiab raug thauj mus raws li tib cov kev cai thiab cov txheem txheej ib yam li cov neeg laus.